

Budi kao Ummu Sa'd

Autor: Rusmir Čoković

Datum: Maj 4, 2017



Ako nisi od onih kojima ide učenje, budi kao Ummu Sa'd, a znaš li ko je Ummu Sa'd?

Povod sinošnje priredbe za halke Kur'ana u našem mesdžidu bila je dodjela nagrada za odličan uspjeh (sa više od 90 bodova) koji je imalo je više od 50 učenika, od njih ukupno dvije stotine.

Pored halki učenja Kur'an, postoje i halke sa ispravno izgovaranje harfova (Pravila Nuranije) i halke za memorisanje knjiga (naučnih sažetaka-metnova), a sve zajedno ih pohađaju učenici od predškolskog pa sve do srednjoškolskog uzrasta.

Ove halke za djecu se održavaju svakim radnim danom poslije ikindije u trajanju od dva sata. Djeca su raspoređena u 12 halki za Kur'an, ainoć smo vidjeli četiri momčića koji su pokožili 20 džuzeva Kur'ana, četvoricu koji su položili po 15, desetoricu po 10 džuzeva, i mnogo njih po 5 i tri džuza i svi sa odličnim uspjehom.

Ono što je zanimljivo je da je ovaj mesdžid koji se nalazi u podnožju zgrade prije 19 godina uvakufila jedna dobra žena koja je uvakufila i nešto imetka za halke Kur'ana. Od njenog imena znamo da se zove Ummu S'ad El-Ke'aki. Veoma je bilo tužno kada su na priredbi rekli da je ona umrla prošle sedmice. Ipak, ono što raduje jeste da je iz ovih halki izašlo 30 hafiza, čak i jedan od 5 godina, i na stotine djece koji su tu naučili svoje prve harfove i svoje prve džuzeve Kur'ana, a među njima i jedan mali Bošnjak, za kojeg ona vjerovatno nikad nije ni čula.

Allah da joj se smiluje, da joj oprostí grijehé, da je uvede u Džennet i da joj primi sve harfove koje prouče djeca iz ovih halki.

Mnogo je zanimljivo kada je sinoć kadija šejh Abdullah Es-Suvejs rekao: "Draga braćo, koliki je samo hajr da naša djeca dolaze na ovakve halke. Naročito u ovom vremenu u kojem je bezbroj igara i animacija za djecu. Pa čak i da ništa ne nauče, već samo da ih pohađaju-to ke razlogom da im meleki postavljaju svoja krila jer su krenuli putem najčasnije nauke, putem učenja Allahove knjige. A nema sumnje da će ono dijete kojem meliki podmeću svoka krila kući donijeti bereket toga. Zato u ovoj stvari ne smijemo zaboraviti jednu stvar, a to je da budemo iskreni prema Allahu."

Ummu S'ad možda nije bila učena žena, ali je voljela islamsko znanje, ali očito je da je bila iskrena, pa se potrudila da uloži svoj imetak u najbolje svrhe, pa je Allah dao da iz njenog mesdžida izlaze nosioci Allahove knjige, a njoj za ta to teku nagrade. - KRAJ